



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm XII. Ex parte S.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

teret Iudici incerto, seu quem impetrans elegerit, non concessa parti alteri recusandi potestate.

CAPITVLVM XI.

Ad audientiam.

PARAPHRASIS.

H. de sancto Stephano, qui ab Episcopo suo excommunicatus fuerat, literas tanquam à Sede Apostolica missas præsentavit, in quibus de absolutione ipsi conferenda cōtinebatur: sed quia propter vitium latinitatis suspectæ erant, Episcopus remisit eas ad Lucium II. Papam: Qui hīc respondet; cū dicit̄ literæ manifestum in constructione peccatum cōtineant, non esse ipmis fidem habendam.

SUMMARIUM.

1. *Rescriptum, quod manifestum in constructione vitium siue solecismum continet, tanquam falsum rejici debet; nisi in eo stylo Curie, vel Camera Apostolica conforme sit, cum quo conferendum.*
2. *Et hoc locum habet non tantum in rescriptis Pontificiis omnibus iustitia & gratia; sed etiam in rescriptis & priuilegiis aliorum Principum.*

Non autem in instrumentis Notariorum,

NO TANDVM VN. Literæ, que tanquam ab Apostolica Sede missæ afferuntur, si in constructione verborum vitium manifestum, siue solecismum contineant, tanquam false rejici debent. Ratio est: Quia rescriptum Principis transit per multas manus, & magna maturitate decoquitur, c. Apostolice 4. causa 35. quæst. 9.

2. Ampliari debet doctrina primò cum Abb. hīc n. 3. Ut intelligatur de omnibus rescriptis Pontificiis, siue sint iustitiae, siue gratiae. Secundò, ut locum etiam habeat in rescriptis & priuilegiis aliorum Principum; cū eadem sit ratio. Non autem locum habet in instrumentis Notariorum, secundum Gloss. fin. hīc Felin. in c. ex parte n. 2. de fide instrum. Quia

vnum hominem errare proclive est, l. errore 7. C. de testament. & in l. 2. C. de errore aduocatorum dicitur, quod error libellum scribentis parti nocere non debeat: si ostendi possit, vel ex coniecturis appareat, à scribente erratum fuisse. Videri possunt quæ docui lib. 1. Theol. moral. tr. 4. c. 22. n. 27.

His addendum est, ex Petr. Gregor. Tholosano super hoc c. verbo peccatum: Antequam Pontificium rescriptum propter vitiam latinitatem rejiciatur, verba eius conferenda esse cum stylo Curie, aut Cameræ Apostolice, videndumque, num loquendi modulus dissimilis sit, necne: Cūm non propter falsam latinitatem præcisè, sed inde ortam præsumptionem fraudis, rescriptum rejici debeat: Præsumptio autem cedit veritati, quando Principis voluntas probabilissime appetit, sicuti etiam Gl. hīc fatetur ver. manifestum, circa medium.

Si dicas, Ex hoc sequi, nullum esse discrimen inter Principis rescriptum, & Notarij, alterius siue similis personæ scripturā. Respondeo, Imo esse discrimen, Quod Principis rescriptum, in quo error manifestus contineatur, ob rationem in t. not. positam, magis suspectum sit de falsitate; vt non tam facile quipiam admittatur ad probationem contrarij: quandoquidem suspicio hæc siue præsumptio est iuris & de iure; nisi contrarium indubie appareat.

CAPITVLUM XII.

Ex parte S.

PARAPHRASIS.

Capella Emptonensis suberat Ecclesiæ de Tarento, cuius Rector de Tarento erat Sebastianus. Onuphrius Diaconus item intendit Capellano Emptonensi coram Ordinario; ab eius sententia appellat Onuphrius, sed appellationem non prosecutus expellit Capellanum. Veram Sebastianus causam sui Capellani prosequitur, & à Sede Apostolica literas ad iudices delegatos impetrat. Ab his in iudicium

iudicium vocatus Onuphrius, obiecit, se literas priores à Sede Apostolica impre-
trasse, quibus potius deferri debeat, quam posterioribus, cùm in eis nulla mentio fiait priorum. Verùm has literas idem Onuphrius usque ad tertiam citationē sup-
presaerat, nec eis usus fuerat ob dolum vel negligentiam: quae negligentia & dolus inde etiam apparebat, quia in impretratione literarum nullam de appellatione men-
tionem fecerat, cùm tamen biennium à tempore appellationis elapsum fuisset.
Quare in hac re rescribit Clemens III. &
mandat, si rem ita se habere confiterit, vt omnibus in statum pristinum restitutis,
qua post appellationem attentata fuerunt,
Capella Ecclesiae matrici restituatur, &
Onuphrius ad expensas praestandas Se-
bastiano Rectori condemnetur.

S V M M A R I V M.

1. *Quae dicatur matrix Ecclesia:*
2. *Si Rector ecclesiae superioris sit etiā inferioris seu capella, quā gubernat per Capellam seu Vicarium; Capellanus capellam non suo, sed Rectoris principalis nomine possideret.*
3. *In libello de possessione retinenda, vel recuperanda, mentio fieri potest de iure proprietatis, et si id postea non ostendatur.*

NO T A N D V M I. Si ecclesia parochialis seu plebana capellam sibi subiectam ha-
bet, eius comparatione dicatur matrix. At verò spectato communi iure, ecclesia parochialis non habet fundatam intentionem super capella intra fines parochiae constituta, vt ipsi subiecta censerit debeat, tanquam matrici; sed ostendi debet ius speciale, v.g. quod hac cōditione fundata fuerit, aut ex parochiae redi-
tibus erecta, vt subesset & regeretur ab Eccle-
sia parochiali, secundum Gloss. in c. eam te 4.
ver. pendeant, de ær. & qual. Abb. hic num. 1.
Felin. 1. eundem Abb. in c. ad audientiam nu.
8. de eccl. ædif. Alioquin verò per ecclesiā matricem, quae intentionem fundatam super omnes dicēcēsias ecclesiās & capellas habet,

intelligi debet cathedralis seu episcopalis c.
venerabilis 22. de verb. signif.

NO T A N D V M II. Si Rector ecclesiae supe-
rioris, seu principalis, sit etiam Rector infer-
ioris seu capellæ, quam per Capellanum seu
vicarium gubernat, iuxta ea quæ tradit Gl.
in cit. c. eam te, ibid. Anton. n. 10. tunc Capel-
lanus capellam non possidet suo nomine, sed
potius nomine Rectoris principalis: quem
admodum nec colonus fundum suo, sed do-
mini nomine possidet, iuxta l. 1. C. Commu-
nia de usucaption. &c. cùm venissent 11. ius
Glossa in not. de rest. spoliat. Quare, sicuti li-
colonus ē fundo dejiciatur, seu expellatur,
domino competit actio seu interdictum pos-
sessionis recuperandæ, vt docet Bart. in l. 1.
§. dejicitur, ff. de acq. possess. Ita etiam si ca-
ppelinanus Rectori dicto modo subiectus dejiciatur, Rector ecclesiae matricis actionem
instituit, vt hinc apparet, & annotauit Imola.
num. 1.

NO T A N D V M III. Ibi, cùm de iure pertine-
at: Quod in libello de possessione retinenda,
vel recuperanda, nihil obstat mentionem fie-
ri de iure proprietatis, etiam si id postea non
ostendatur. Attenditur enim ad conclusio-
nem libelli, & non ad ea quæ narrata sunt, &
ea quæ narrantur, non extendunt conclusio-
nem libelli. Ita hic Abb. notat n. 3. Anton. n.
2. Videri autem possunt quae dicentur in c. 2.
de ord. cognit. Simili modo in decretis eccl-
esiasticis attendi debet ad sententiam defini-
tionis, aut decisionis, & non ita ad rationes,
& alia, quæ accessoriè ac veluti incidenter,
maiorisquæ confirmationis causa inseruntur.
Horum enim non tanta auctoritas esse debe-
at, adeo que si ponamus, falsum quippiam in
decreto seu fidei, seu morum, contineri, ni-
hilominus decretum vim suam habebit. Dixi
de bac realiquid in lib. 2. mor. Theol. tract. 1.
cap. 2. fin.

NO T A N D V M IV. Qui literas impre-
super causa, in qua appellavit, appellationis suæ mentionem facere debet. Item, ex diu-
turnitate seu mora temporis, quo impretrans
literis non vtitur, sed eos supprimit, negligē-
tia vel dolus presumi potest, vt etiā dictum
in c. si autem 7. hoc tit. Item, post appellatio-
nem

nem interpositam, si quæ attentata sunt, in statum pristinum reuocari debent, c. super questionum 27. in fine, iun. Gl. in not. vlt. de offic. deleg. Item, si appellans appellatio nem suam intra terminum à iure vel iudice definitum non prosequatur, condemnandus est ad expensas aduersario præstandas, si quas prosequendo appellationem fecit, c. reprehensibilis 26. c. Nicolao 64. de appellat.

CAPITVLVM XIII.

Sciscitatus.

PARAPHRASIS.

Quidam misit Cælestino III. petitiorum, id est scriptum continens dubitationem ac petitionem. Si Sedes Apostolica duobus vel pluribus iudicibus causam delegatur, adiecta clausula *si unus mandarum ex equi non possit*, vt alter vel reliqui sine illo exequantur, vtrum id de impotentia tam iurius quam facti intelligi debeat. Respondet Pontifex de utrâque accipiendo esse: iurius impotentia v.g. est, si delegatus sit seruus, vel infamis, vel excommunicatus, vel iudiciorum omnino imperitus: facti impotentia est, si morte præuentus fuerit, aut graui morbo, aliisque necessitate impeditus, quod minus causam cognoscere queat. Adiicit vero Cælestinus, quod impeditus causam susciperre, debeat impedimentum Collegis significare, quia ad legitimam excusationem non sufficit nolle causam luscipere, cum possit, nisi rescriptum alternatiuam contineat, si qui non potuerint, aut noluerint, alii in causa procedant.

S'VM M'AR' I'V M'.

1. *Impossible non tantum censetur, quod naturaliter vel omnino non, aut difficultissime fieri potest, sed etiam, quod honeste & secundum mores fieri nequit.*
 2. *Quædam persona à natura iudices esse prohibentur, ut furiosos, infans: qua-*
- dam à lege, aut recepta consuetudine, ut seruus, infamis, excommunicatus &c.

3. *Impedimentum post falbam delegatum Iudici superueniens impedit eum à munere cognoscendi & iudicandi.*
4. *Impedimentum Iudicis (ordinarii & delegati) si naturale est, sed publicè & probabiliter ignorat iurita est eius sententia & processus; non item, si impedimentum ex iure posteriori est.*
5. *Impedimentum iuris publicè notum Iudicis processum & sententiam inuidit, et si partes nihil contra iudicem excipiunt.*
6. *Valeat sententia iudicis excommunicati non vitandi, si contra eum non excipiatur.*

NO T A N D V M I. Duplex est impotentia, sive duobus modis impossibile aliquid dicitur, videlicet *de iure*, & *de facto*, c.vt. de paclis. Nam secundum communem loquendi & sentiendi modum, utroque etiam iure confirmatum, non tantum id impossibile censetur, quod naturaliter vel omnino non, aut difficillime fieri potest, sed etiam quod honeste & secundum mores fieri nequit, l. si stipulor. 35. ff. de verbis obligat. l. filius qui 15. ff. de condit. institut. vbi Papinianus I.C. ait: *Quæ facta ledunt pietatem &c. & generaliter quæ contra bonos mores sunt, nec facere nos posse credendum est.* Atq; ideo horum omnium impossibilium, si aliqui mandentur, nulla est obligatio, regul. 6. in 6.

NO T A N D V M II. Quædam personæ à natura iudices esse prohibentur, ut furiosus, infans: *Quædam autem à lege, aut recepta consuetudine, ut seruus, infamis, excommunicatus, &c.* Videri potest Paulus I.C. in l. cùm prætor 12. ff. de iudicij, quem fecerunt est Gratianus in c. i. causa 3. q. 7.

NO T A N D V M III. Clausula inserta rescripto iustitiae, *Si non omnes interesse potestis &c.* eum qui non vult interesse, cum possit, ab inobedientia non releuat: Interim verðaliorum iurisdictionem, etiam sine ipso, confirmat, c. prudentiam 21. §. Adiicimus, de offic. delegati.

L 3 QVA-